

Ebe ni iPoḷu ọ keke ghi ITatọsi

Otse

¹ Mhẹmhẹ iPoḷu ni a zẹ abi ọni ọọ ga ọyi Eshinẹgba ali aghiusomhi na keke ọyi iJesu iKirisiti, mhi keke ebe ona. Eri a ghie mhẹ ni mhi ya zese irudunga oyi eni Eshinẹgba ọ zẹ-a, ali ni mhi rẹwe khase igesikia ni o ya sese we abi e li ya la agbo ni o ri egbe ẹ mu Eshinẹgba. ² Oni irudunga ali ilese ona o migha nga irudushi oyi agbo na agboagbo, ni Eshinẹgba ni ọa ya lo egbhọli ọ ri nga na awa neni a me igbaekele oyi agbo. ³ Eghẹghẹ ni o ghọle Eshinẹgba, ọ la rote ungmehi oyọli ni ọ rọ nga mhẹ obọ ri usomhi oyọli khase gboo. Eshinẹgba ọni ọ mie awa pfuese ọ lighọ mhese ọli.

⁴ Mhi keke ebe ona ghi iTatọsi omimhẹ esheshi elemhi irudunga, ni mhẹmhẹ ali loli anye ga la elemhi imiesuọ oghuo.

Eshinẹgba Ita iJesu iKirisiti ọni ọ mie awa pfuese ọ ka li okhale ne, ọ ri opfomhẹ ne.*

Akanya ni iTatọsi ọ ya gbe ẹoli iKireti

⁵ Emini o zẹ ni mhi rọ zẹ obọ shi iKireti khi, ni u me asha pfuse ikanya ni e kpọle nya gbe, ali ni u zẹ egbhali shi igbaa nya eyi eni e mie iJesu iKirisiti suọ na ukhomhi ẹoli ni e la iKireti nya. Sato abi mhi gueye khi: ⁶ Ọni ọ khi ogbhali shi elemhi igbaa oyi eni e mie iJesu iKirisiti suọ ọ mema ya khi

* **1:4** Li zẹ 2 iKọri 8.23; iGal 2.3; 2 iTimo 4.10

ogbo ni o guẹ ẹ ngeli, ini a khi mẹ asha gue ẹzo shi ọli egbe. O mema ya khi oni o rue ọkpotoso ọghuo shi. Imi ọli e khi eni e miesuọ ni ẹa khi eniyẹ ni e gbakaa ni ẹa ya suọ esọ. ⁷ Aborokhia khi eri a ri akanya oyi Eshinegba nga oni o ralo na igbaa oyi eni e mie iJesu iKirisiti suọ nya obọ egho, ọọ mema khi ọgbọ ni o guẹ ẹ ngeli ini a khi gue ẹzo shi ọli egbe. O khi khi ọgbọ ni o ri imebie ẹ ngeli deba ẹgbọ. O khi khi oni elemhi e keleş ẹ bi. O khi khi ọgbọ ni o da onyọ pfueche egbe-a. O khi khi ọgbọ ni o keleş ẹ pfi obọ, wẹkhi ọgbọ ni ingme ukpaghọ o ghọ mu egbe dọsẹ ode. ⁸ Ochoghọ o khi oni o gheleş ẹ mu ẹgbọ, ni ọọ nono eminente. O khi ọgbọ ni o guẹ ri ẹgbọli ẹ kia. O khi ọgbọ igesikia, ali ọgbọ ni o pfuase. O khi ọgbọ ni o mu ekpe shi ẹgbọli egbe. ⁹ O mema mu oni usomhi onete ni o mhọli iregbenga mhue jijiji, abi a li sesẹ ọli. Lọli o rọ dobe ya ri osesẹ igesikia ni ọọ sesẹ ẹgbọese ke ri udu shi wẹ o, ali ni o gbo ri ida-ode oyi eni e nu wẹ ẹ khakọ khasẹ, khi ẹgbọli ẹẹ lo.†

¹⁰ Irari khi ẹgbọ iJu ebubu eghuo ni e miesuọ ni ẹ pfi ozughu, e la o, ni ẹẹ ngme ingmemhi afue ni ẹẹ di ẹgbọ. Wẹwẹ ẹ sesẹ ode ẹgbọli khi a mema sheleş ọgbọ neni o khi oni o miesuọ. ¹¹ O ti ni a pfi wẹ okpe unu, itobọ khi eri e ri emini ẹ sesẹ yese udu oyi omhue-apfe ebubu-a. Itobọ ini e ba mẹ asha ke ti ukpaghọ ma, e rọ lighọ sesẹ. ¹² Egbegbi ọmekeguele ọyewẹ, o ke ngme ọli ghue, ọọ, “Egbọ iKireti, ẹgbọ ẹgbọli, ali ẹgbọ ebe ali ẹgbọ iwaza elemhi-gbidi-a, a khi.” ¹³ Igesikia oni ungmehi ona o khi. Irarighọ, ga lolo gbe omama ku wẹ,

† **1:9** Li zẹ 1 iTimo 3.2-7

ni irudunga oyewẹ o mẹ asha migha. ¹⁴ Eghẹghẹ agho, ẹa kẹ ke ri esọ shi okhẹ afuẹ oyi ẹgbọ iJu ali ishi eyi ẹgbọ eni e kie igesikia. ¹⁵ Eri emhi nya e pfuase shi odalo oyi ẹgbọ ni e pfuase. Ama emhikhoghwo ọa ya pfuase shi ẹloe oyi ẹgbọ ni ẹa pfuase ni ẹa miesuo, irari khi a she kesẹ wẹ udu ali isamhi-a. ¹⁶ E ma liẹ khi wẹwẹ e leşẹ Eshinegba, ama eri angeli oyewẹ o rokhase gboo, khi ẹa leşẹ ọli. Egbọ ni aa ti ẹ mama ali ẹgbọ umha-sueso e khi, ni ẹa ti okiẹ wẹ itoto.

2

Osese ni a ya ke sese iku ẹgbọ ododa

¹ Ghe i! Yeyẹ oye, u mema ya ke sese emini o lama shi egbegbi osese o. ² Sese emose ni e she khi egbhali, e ke ri abo mu udu. E khi eni a mu ekpe na, e khi ẹgbọ ni e guẹ ri egbewẹ kia. E ze ni irudunga ali inono ali iregbemie oyewẹ o lolo mu eke.

³ Gbo ligho sese ikpotso eni egbhali e ke ngeli abi ikpotso egbhali ni e la agbo ipfuase. E khi khi eni e ri unu ẹ yese ẹgbọ a, e khi ditse onyo idada a, ama e ke sese ẹgbọ ingeli enete. ⁴ Ishegho ni e ke sese izele ikpotso e nono ingme oyi odo wẹ ali imi wẹ. ⁵ E khi ẹgbọ ni e guẹ ri egbewẹ ẹ kia, e khi eni e pfuase. E khi shitọ ni ẹa mhọli oni ẹẹ gbe owa. E khi eni e mhọli isomhelembi. E ke nyese ukhomhi na odo wẹ pfo. Ini ogbokhoghwo o khi mẹ asha ngme ungmehi imebie deba usomhi onete oyi Eshinegba.

⁶ Gbo li ligho gueye eni izeo e khi ẹgbọ ni e guẹ ri egbewẹ ẹ kia. ⁷ Ze ni emini u wa riẹle nya e khi

eminete ni egbo nya e ya ke khonya. Ri igesikia ali omuegbe ke khasẹ elemhi osesẹ ni u wa sesẹ. ⁸ Ke ri ingmemhi ni e gba pfo ni ogbokhoghuo ọa me te ya ke ze ifue ngme ungmehi oye. Ini ebe awa e khi me emini ọa ti okhoghuo ngme shi awa egbe, ni omama o mu we.

⁹ Sesẹ ighumha e ri egbewe na ega eyewe pfo nya, e ga ke rieḷe emini o ri egbe e ke mu we odekhode. E khi ke soḷo shi we o ini e nu we e wola. ¹⁰ E khi beṅa ke do we ughiatọ. E ri ochogho ke rokhase khi egbo enete ni e gbe akanya te ode igesikia wewe e khi. Eghẹghẹ agho ni e ri osesẹ ungmehi oyi Eshinẹgba ni o mie awa pfuese ke ghole.

¹¹ Irari khi okhale oyi Eshinẹgba ni o ri imiepfuese bhale o she ri egboḷi khasẹ ogbokpa. ¹² Loli o sesẹ awa, awa ke kie ingeli ni e ghole Eshinẹgba ali oghuemhe oyi emhi agbo, ni ogbogbo o ke nu egboḷi ngme. Awa a ngeli angeli ni o migha shi ipfuase eghẹghẹ ni awa la memena. ¹³ Abi awa li ri ukpeloe shi eke e khe ogbele ni Eshinẹgba ni o fune Omiepfuese iJesu iKirisiti oyawa o ro ya nyene egbe bhale. ¹⁴ IJesu iKirisiti ni o ri egboḷi bhale ro pfa awa shi eke rote obọ oyi okholo nya lasese, ali ni o ro khuesẹ egbo eyoli-a, ikhi egbo ni ikanya enete igbegbe e ghole.*

¹⁵ Enana e khi emini u wa ke sesẹ. Ri afu ni mhi ro ne ke ri udu shi we o, u gbo tse agua ye we. Khi ze ni ogbokhoghuo o ri ukpeloe gbe e.

* **2:14** Li ze Iwolo 130.8; Okiali 19.5; iDeut 4.20; 7.6; 14.2; 1 iPit 2.9

3

Abi eni e miesuo e liẹ ke ngeli

¹ Ke yele eni ẹgbọ le, e ke nyese ukhomhi na enighie ali eni ẹ mhese, ali e ri ungmehi oyewe ke gbe akanya. E mu egbe ni e ro ke gbe ikanya enete. ² E khi lo ẹgbhọli yese ọgbokhọghuo eva-a, e khi ẹgbọ opfomhe, e khi nu egbewe ke wola, ama e khi eni e ri ikuegbe-a a ngeli deba ọgbokpa.

³ Irari khi awa kpe li rieḷe ingme oyeghe ali umha-sueso. Awa khi eni a di, ni a ri ọghuemhe egbe, ali aruele mu shi igha. Awa la angeli ubogbo ali ofuma ikpekpe. Áá biselemhi awa, awa gbolo biselemhi egbe. ⁴ Ama abi isomhelemhi ali inono oyi Ẹshinegba Ọmiepfuese oyawa o ro feli lasele. ⁵ Ọ mie awa pfuese, ni ọa khi itobọ ingeli ni e migha shi ipfuase ni awa ngeli, ama itobọ ilelemhi oyọli. Ọ roḷe irieḷe bia ali ikhuese-pfuase oyi Ayemhe-no-pfuase tsumhi awa. Ọ ri agbo onogbo na awa. ⁶ Eri Ẹshinegba ọ tutu Ayemhe-no-pfuase ku awa tuo itobọ emini iJesu iKirisiti ọ rieḷe na awa. ⁷ Ẹghẹghẹ agho, awa kha khi eni ọ roḷe okhale oyọli ro pfuase se, awa mele imi ọli a ni e mhọli ọli shi udu khi e mhue obọ shi ugu agbo na agboagbo. ⁸ Egbegbi ungmehi ni a ri egbe ẹ nga ona o khi.

Mhia nono ni u lolo gue ọli ye we jijiji, ini eni e she kpe regbenga Ẹshinegba, ni e kuegbe-a ke gbe ikanya enete. Eni emhi ena e ma ti gba irari khi e ma ri eleli ẹ na ọgbokpa.

⁹ Khi nu ẹgbọ khe ako shi ingme afue, ali itono uteto oyi echeli idada. Khi wola ali khi khọli shi ingme Ishi eyi iMosisi, itobọ khi afue ali emini ẹa ri eleli a bhale e khi. ¹⁰ Kpe tse agua ye ọgbọ

ozughu iteva, ini ọa kie suọ, u ti gbe me ọli na, ini emhikhoghuo e khi ku e gbe. ¹¹ Lọli u ro ya lese khi egbo enana e she de ode khi ode, olamhe e ke la. Angeli oyewe o she pfa ezọ mu we.

Omhesẹ ni o kpukhokho

¹² Mhi kha da lese ghie Atemasi ghi e ne o ke khi iTakikosi, roshẹka ni u bhale ya e mhe iNikapolisi irari khi mhi she ri ọli shi udu khi oobọ mhi ya la eghẹghẹ oruame.* ¹³ Abibi o rie li, roshẹka kpaghie iZenasi oni o khi iloya ali Apolosi obo, ini e e vu. Ri emini e nono nya na we.† ¹⁴ Egbọ eyawa e khi eni e wena abi a lie gbe akanya enete, ni e dobe ke riele emini e e nono elemhi ogbele na egbewe, ini e khi la agbo ighalaba.

¹⁵ Egbọ ni e nu mhe la ana nya e ga tse e. A tse eni e li miesuọ ali eni e nono ingme oyi anye.

Okhale oyi Eshinegba o ka nu e la.

* **3:12** Li ze Ika 20.4; Efi 6.21-22; iKolo 4.7-8; 2 iTimo 4.12 † **3:13**
Li ze Ika 18.24; 1 iKori 16.12

Ebe-No-Pfuasę Ishobo Onogbo
New Testament in Ivbie North-Okpela-Arhe
(NI:atg:Ivbie North-Okpela-Arhe)

copyright © 2012 Wycliffe Bible Translators, Inc.

Language: Ivbie North-Okpela-Arhe

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789194797

The New Testament

in Ivbie North-Okpela-Arhe

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

PDF generated using Haiola and XeLaTeX on 21 Feb 2024 from source files
dated 29 Jan 2022

03be06b0-68fd-500b-b9a9-6bca4b63979a